

新聞 - 即時新聞

返回上頁

股民速訊 焦點 投資評論 經濟評論 地產 異動 國企 中港台經濟 滙股通 港股通

Banker自爆：做呢行 愈做愈細膽

07月28日(二) 23:17

T- T+

**恒生陳力生自爆後生嗰陣都有創業諗頭。**

打工好？定創業好？呢個問題，10個阿爸阿媽有9個聽完，多數會一句車埋嚟「出嚟做得嗰一陣嘢，乜做得你好辛苦咩，睇我．．．．．(下刪3,000字)」，若然你父母係剩番嗰第10個，聽完無反應，咁你可能唔係佢親生。

若然真係想創業，就要趁早，趁自己仲曉駁咀無識死，就好去闖。你唔信？連乜都見過晒嘅資深Banker都係咁講。恒生執行董事兼零售銀行及財富管理業務主管陳力生(Nixon)周二自爆話，後生嗰陣都有創業諗頭，後尾愈做銀行就愈細膽，創業夢咁就．．．．．句號咁。

話說恒生(00011 股價)同善導會搞咗個青年創業計劃，Nixon做主禮嘉賓，仲好坦白咁講佢親身經歷畀大家聽，佢18、22嗰陣有打算過創業，但諗住自己冇咩經驗，就先去銀行做吓嘢先，順便儲吓彈藥，點知愈做愈無膽，幾咁驚蝕錢，搞到一路都唔敢創業，卒之係銀行一做就做咗39年。創業？再冇諗過。

其實，Nixon冇行創業條路，都一樣有今時今日，喺台上以主禮嘉賓身份，冇有怕咁講佢當年「幾無膽」，佢當年創唔創業有乜所謂。